

## Publicaziun FUS per ils 12 da matg 2017

### Damonda da baghegiar nr. 18/17

Datum da publicaziun: ils 12 da matg 2017

Proprietaris: David + Gabriela Cathomen  
Via Tschuppina 28  
7165 Breil/Brigels

Object: Construcziun d'ina garascha vid la casa existenta, parcella  
1294, Tschuppina, Breil

La damonda da baghegiar ei exponida sin canzlia communal. Ils profils ein tschentai. L'investa publica cuoza 20 dis dapi il datum da publicaziun.

**Eventualas protestas encunter presenta damonda da baghegiar ein d'inoltrar alla suprastonza communal enteifer 20 dis dapi il datum da publicaziun.**

**Suprastonza communal Breil**

### Temps da vacanzas Carta d'identitad

Per schar far ina nova carta d'identitad ston ins quintar cun in temps da spetga da 7 tochen 10 dis.

Affons naven da 7 onns ston era suttascriber il formular d'annunzia ensemen cul bab ni la mumma. Naven da 14 onns vegn la grondezia dils affons era surprida silla carta.

**Nus lein far attents, che mintgin sto vegnir persunalmein sin canzlia per dar la suttascripziun (la damonda vegn tschentada electronic).**

Sch'il pass cuora medemamein giu il proxim temps dat ei era la pusseivladad da far ina cumbinaziun d'empustaziun pass e carta d'identitad. Gliez ei denton mo pusseivel da far giu Cuera "Ausweiszentrum Chur, Gäuggelistrasse 7, 7002 Chur".

**Administraziun communal Breil**

## **ADATG!**

### **Midadas d'adresa enteifer la vischnaunca**

Tgi che mida dimora enteifer la vischnaunca ei obligaus d'annunziar quei **enteifer 8 dis** all'administraziun communal. Nus stuein informar divers uffecis (taglia, militer eav.) e perquei eisi impurtont che buca mo la posta vegni informada, mobein era la vischnaunca.

**Ilis giuvenils che laian tarmetter vinavon la posta a casa tiels geniturs ein tuttina obligai da dar atras alla vischnaunca l'adresa nova. Tier la controlla da habitonts eisi impurtont nua che la persuna sesanfla e buca nua che la posta va.**

Nus supplichein da prender enconuschientscha ed engraziein per la collaboraziun.

**Administraziun communal Breil**

### **Persunas che van en ina casa da seniors; La vischnaunca sto vegnir informada!**

La midada en ina casa da seniors sto vegnir comunicada alla vischnaunca. Igl ei buca impurtont nua che la posta va, la vischnaunca basegna quellas informaziuns.

Nus supplichein da prender enconuschientscha.

**Administraziun communal Breil**